

百名家詩選

小引

魏子曰：「彼余讀蕪臺詩，嘆才之難也。蕪裳表東海之觀，錦帆譙明擅梁苑之譽。愚山爭霸宛陵，蒨園亂倚顓亭。踞吳山之巔，合四國之英，而僅得七子。誰謂東南竹箭不勝其伐乎？而方貽給諫，獨以弱冠之年。從顓亭先生唱和于父執之列，使天下望其才氣，不敢仰睇。如森森橋梓，獨支大厦而不假人力也。如掬錢塘之水，東注諸海而汪洋天際也。抑何才之多也！余庚戌之秋，

浪遊雲間得與方貽定交一時同人潦倒詩酒
極稱盛事今太保梁翀霄學憲張子美太守周
釜山俱稱古人別駕傅石漪以傲骨峻嶒貶落
山水董進士閔石孝廉蒼水文學沈彥微吳星
若數公青袍猶舊視方貽之玉佩鏘鏘與太翁
夙夜省垣爲

天子侍從之臣歌天保采薇于金罔玉闕間者
真不啻雪淵寥廓也才難之嘆寧僅爲燕臺七
子哉

百名家詩選

福清魏 憲惟度輯選

泰州季振宜滄葦 嘉善柯崇樸寓匏

侯官何徵蘭畹仲 江寧陳 菁幼木 叅

嚴曾架 字方貽號桂峯餘姚人

金魚池

朱羲逸遭軫赤陸變新曆晨鴛尋芳甸覽策任
所適露葢花競垂風葉柳初折綠槐蔭清沚丹
館接華壁循渚矚游鱗依林駐行勒群泳頽尾

妍悠逝素髻激迴迴狎輕藻冉冉啖柔荻感此
惟昔遊逸矣追良覲綺席遵芳湖綵舫楫文鵠
輕絲白藕連細實朱蓮摘澄泓明波映皎潔塵
慮滌何能續歡賞在目恍所歷

從家嚴赴季滄葦先生招飲賦謝

良辰屈長夏華軒延夕陽嘉賓四面集來會君
子堂高薨麗返景修樹生微涼廣筵進旨酒玉
爵酬兕觥嘉餽更迭薦水陸奏鮮芳酒闌衣帶
緩促席談讌長馥馥麝蘭氣冉冉燈燭光嚴霜

未被野良夜不可忘賤子侍末席中飲不盡觴
起謝賢主人好樂庶無荒

慈仁寺松歌

慈仁古刹迴臨街入門老樹根相排撐擎聳拔
皆有態槐枝栢刺無不佳新松五六各異狀有
時相亞或相讓欹崙總非百年物盤踞况逼諸
天上及見雙松叫奇絕不與凡樹同霜雪千載
根盤勢若龍雙株榦老色如鐵其一最短石磴
齊一株稍欲青天躋盡攬長柯耐雨露不須高

頂干雲霓老材豈必枝葉好禿榦自護神靈棲
古來奇物不貴妍獨標異骨元氣全盤礴自有
真意在剝蝕縱使霜皮穿其餘樹木兩傍立非
不笑兀思參天柯條扶踈神氣少側身不敢跨
連蜷我行更上石磴坐俯看雙松失松大毘盧
閣上日欲沉金粟宮中春已破眼前古物誰尚
存周鼓商彝有幾個君不見階前人散松樹青
月出惟聞野狐過

同吳天朗翁用公天街看月

秋夕涼偏早天街露欲圓風高鳥雙去城月迥
孤圓清郭同攜手丹梯愧並肩飛揚無盡意劍
舞未須眠

酒罷風初起橋平月共看照人聯壁樹走馬並
銀鞍街濶飛沙合河深瀉水寒夜中垂轡返城
角已吹殘

閒居漫興

秋氣入庭際空階碧月涼明燈猶夜續起草看
封章雁序橫空遠雞人報夜長問安知內直霜

色上裘裳

昔共金門彥題詩玉殿閒揮毫來禁苑如堵看
朝班天語知名熟公車報罷還漸離吾愛汝
擊筑共燕山

蕭瑟此登臺西山爽氣開千峯黃葉落萬里素
書來懶藉慚知己漂零自不才南征舊同學一
一乘繻回

昆弟慙吾長最昏省侍親詩書遺我輩裘馬是
何人綠酒兼容醉青毡不厭貧古來稱驥足端

爲山風塵

寄懷王備五表兄

爲問蘭亭序羣賢若個從捲簾看綠竹揮塵折
蒼松落月詩千首秋雲嶺萬峯何時同躡屐披
豁對心胸

喜張祖望入都

七葉張公子來遊京雒中登樓就劉表閉戶托
楊雄月市松全碧秋陵樹半紅爲君攜手去憑
弔古人風

懷陸左城

三年不見平原令
著就長楊賦幾篇
解識酒同高士飲
肯將玄借富人傳
月明千里江南夢
木落三秋薊北天
遙想西陵楓樹下
賓朋滿座菊花筵

南海子御試恭紀

天子更衣禁囿中
華旗翠蓋轉和風
魚龍映日元臨海
鳥鵲凌雲別起宮
漸解春冰舟欲動
新垂苑柳輦纔通
上林獨愧相如筆
侍從爭誇詞

賦雄

侍家大人同項脣山年伯韋公祠看海棠

命賦

古祠青句起芳塵紫陌朱闌集廣輪雙樹久分
仙掌露繁花猶發帝城春枝間接葉偏宜鳥殿
外浮香欲送人奉命靈光爲賦拙將車捧杖托
荀陳

雨中過韓固菴年伯齋中畱飲賦贈

春城薄暮北風哀騎馬衝泥細雨催入戶慣從

牀下拜留賓更賜掌中杯
人間名宇推前輩座上
上風流引後來自愧三升非
管輅高談敢傍四筵開

送錢宮聲同年還里

駟馬高車出帝京
關門猶識棄繻生
高名曲水詩先唱
勁筆凌雲賦早成
折柳秋風辭灞澹
尋花春色滿江城
蕭條徒步看裘馬
無盡河梁落日情

贈賀韓叔夜明府時新授永嘉令

百里新分向永嘉風流裘馬接京華當筵染翰
題春草上座飛觥換燭花未去長安領彩筆先
從勾漏問丹砂玉河莫惜臨岐酒好待清江八
月槎

投贈總憲魏崑林先生

玉燭開元老金滕啟大儒漢廷重經術魏相協
神謨彩筆蜚仙翰宮衣侍省爐瑣闥門外拜折
檻殿中呼字挾風霜出章彈鳥雀驅遭時逢
主聖遷秩晉官赫副相金章入中朝萍履趨近

分臺下栢爭集樹頭烏元牙羅廷宁青驄闢道
塗總持資柱石率領佐宸樞勲業須圖畫又
章實楷模詞源注溟渤論定掃蔡蕪大雅逢開
代名流集上都家家持異喙個個握靈珠蕭選
堪千古章編布廣衢風流歸正始感激起頑儒
下體非香草連鑣及小蘇蒼葭虛倚玉朱邸濫
吹竽問道容奇字名篇取大愚歸心望滄海日
夜向東徂

上元日號次米紫來同年韻

如意敲殘玉唾壺。留賓夜飲漫呼盧。興酣不分
天街月更向高陽覓酒徒。

青娥皓齒轉明眸。小燕雙雙舞鳳頭。愛看燈輪
邀女伴含羞。却待夜深遊。

正陽門外月將斜。銀箭金壺漏漸加。多少達官
人不識。城邊親控紫騮騶。

滿地金絲擁菊花。看時爭駐五雲車。羊皮細鼓
通宵急。燈火三條映彩霞。

何處多情弄玉簫。佳人隊隊互相招。氤氲女伴

香車繞輕薄兒郎駿馬驕

玉漏將殘曙色遲燈微人散曉風吹同遊多有
西陵客回首吳山落月時

小引

魏子曰余遊峰泝見山先生方辭粉署讀禮家
居詩文香茗間交謫如也近策蹇入都路出大
名爽聞太守新擁五馬賁予寓坐談之頃卽以
見山爲詢意以余石倉之選不得先生佳篇爲
憾事遂遍搜行篋鶴巢全集久爲上官大夫竊
去因取余詩持暨徐松之雲山酬倡內所載合
梓以傳嗟乎是烏足以盡先生哉先生鍾靈雲
間士大夫以風雅相尚董宗伯陳徵君基其始

陳黃門夏考功李舍人總其成海內翕然宗之
今見山際文明極盛之時宋副都沈學士王侍
御王學憲張節推周太守董宋二進士田董二
孝廉出全力以防其弊古風宗漢魏近體準盛
唐于太倉歷下諸古人不無繼起之功今讀其
詩源一書上溯三百中歷楚詞及昭明選體下
逮濟南唐詩爲古今定本其志其事可攷而知
矣其爲先正矩矱後學津梁豈淺鮮哉故余于
顧太守之詢而爲之論定于此

百名家詩選

福清魏憲惟度輯選

嘉善顧耿臣奕聞桐城戴其員雪看

華亭錢芳標寶汾無錫顧采麟天石

參

顧大申字震雉號見山華亭人

明月照高樓

朱樓文杏梁麗藻雙鴛鴦上與青雲齊中宵薄
迴光佳人邈獨處凝睇搖青霜輝輝接遠道微
微散羅裳調琴動逸響織素不成章恒恐朱顏

改如彼金風涼願爲雲中鴈飄飄隨君旁同心
並羽翼徘徊歸故鄉

楊白花

皇州二三月楊花度苑牆宮中少婦弄瑤瑟曉
起捉花長歎息一樹花飛落萬家誰人對此不
咨嗟東風好吹作浮萍昆明池外常青青

梅花落

笛裏邊聲斷花稍夜月微若憐春色盡故向玉
階飛白鴈橫榆塞鳴笳暗鉄衣清芬零落遍音

信隴頭稀

洛陽道

嵩陽佳氣浮洛水
恣遨遊飛蓋通三市
金鐘沸五侯
笙歌忘人夜
羅綺未知秋
劇夢朝相結
鳴鞭上酒樓

楊柳枝詞

紅亭細柳碧萋萋
湖水初添欲上隄
花落秦淮春暗去
月明神女唱青谿

二月花飛度苑牆
菖蒲出水葉初長
春光不斷

交河路多少青楊間白楊

黃河東向海門流楊柳青青沙際浮何處笛聲
吹月起隔簾纖手接伊州

齋中讀書

新雨歡時序披襟暑氣伏朝來林泉涼幽光藹
庭綠簾靜梁燕飛當軒理細軸興往古皇會神
移白日促嘒嘒桑巔蟬娟娟墀畔竹秋空落槐
金山紅紛躑躅感念小宛篇向夕重秉燭

秋風行送宋子直方

朱子辭官東歸將卜居於震澤之濱顧
子作是詩以送之

秋風淅淅從天來穿林叫囂何悲哉慘如奔空
走萬馬颯如呂梁崩蹶河流開千里蕭條波浪
起蛟龍翻蕩東江水衰草歲粦白露滋蒼山隳
蹶楓林紫縹緲風高散綺羅峰頭樓閣映滄波
晴川路接梁鴻墓烟雨舟行范蠡湖龍威丈人
引歸路桂檝凌風獨歸去花洲灩灩雲悠悠他
日尋君不知處

惜鸚鵡

春風吹花散作雪玉樓鴛瓦明霜月紅襟翠翼
不禁催隻影嬌啼流碧血美人香稻珠顆黃手
提銅奩出蘭房銀鈎慘淡紺霧冷綠衣蕭瑟寒
無光嚴宵樓頭雪皎皎繡幙重衾花繚繞何來
弱質黛侵眸口誦楞伽夢分曉獨不見玉釵白
燕漢宮飛霍家金鳳曉依依秦關月落隴雲起
好傍天河烏鵲歸

雪後登歌風臺示沛令

一劒收秦鹿秋風萬里心悲歌誰掩泣壯士已
成擒井邑新豐舊龍蛇大澤深殘碑埋野弋雪
後此登臨

茂宰調絃地雄圖想像中臺空晴捲雪鴟冷夜
呼風半醉尋榆社長吟歷沛宮千年遺老在攀
陟感何窮

秋堂

露蕊霜葩晚更親秋堂粉壁淨無塵蘭紛紫艷
思公子菊綻黃金憶酒人滿眼逝波歸路急一

官衰嬾去情真長湖九月尊絲滑漫約西溪理
釣綸

秋雨移酌櫟園舟中

雪浦東山急雨霏移觴對酌兩依依荒城野戍
鳴秋柝海嶠孤臣冷葛衣醉後立黃燈半盞尊
前風雨鴈初飛君看豐沛笙歌地昔日高臺今
日非

春雨樓成

臨河面郭聳朱樓縹緲波光樓上頭東海萬山

分障列兗州四水抱城流望中烟繞長堤柳天
際雲浮錦纜舟況復夜涼憑眺裡水晶澄碧起
吳鉤

古意

黃河西控玉門流萬里寒沙接戍樓不盡青山
晴厓歷浮雲何處古涼州

初搆西村後山草堂

我本雲壑士偶然濫朝簪執戟十五載巖廊自
浮沉今茲得歸來來歸返舊林深感故人厚知

我田園心貽我谷口居言望崑山岑長薄帶近
郊喬木秀遠陰結廬幽邃區托興長湖潯五畝
亦粗足力農庶其任輟畊之隴上豁達披胸襟
睠言刈西成粲粲動長吟匪敢垂堂構聊以懷
好音荷蓀有二子風軌私所欽

九日渡京江錢明府移席追送

木蘭爲榼桂爲舟吹簫伐鼓放中流進前送客
重陽酒江上登高萬歲樓山入秣陵晴渺渺潮
平瓜步晚悠悠豈能對景無杯酌故使黃花笑

白頭

江上有期不至

白玉壺中一杯酒紫姑廟前三株柳盡日傾盃
弄柳條懷人不至空搔首秦宮碧玉盛繁華別
館紅亭著處家共說行輶無定所可憐孤客望
天涯天涯泛泛浮文鵠江南江北還相隔不聞
尚書曳履聲忽聽江樓夜吹笛

慈仁寺諸子餞別

慈仁寺裏海棠前攜手將迎是別筵隔院啼鶯

顧見山

卷之三十九

六 枕江堂

虛縹渺臨岐尊酒重纏綿青門祖帳辭朝路楊
柳飛花送客天忽唱驪歌聽不得醉中分手各
風烟

舟過鄱湖風利不得登廬山

南州十日九太息欲到廬山愁不得豈知六月
鄱陽湖朝風東南暮東北忽然風動無波瀾二
百里外俄頃間日高吳城喚魚買月山沽酒湖
口山廬山之山迴地紀左跨潯陽右彭蠡晴天
徃徃飛白雲雨後峯峯見青紫香鑪可望不可

登欲呼五老同雲輶更思中峯白鹿洞倒掛匹
練搖空青仙都秘跡神仙守烟巒但許樵夫有
惟恐狂生輕洞天故遣風師催鵲首廬山面面
向窓開開窓且飲三百杯總然未便乘雲去也
得山前叫嘯來

采石磯

翰林祠館俯崇磯畫棟虛明出翠微借問青山
誰得共眼中惟有謝玄暉

蛾眉亭上曉雲輕入望風帆百里明猶記少年

登眺處碧天晴宇候潮生

江山盡日畫屏開磯下濤聲曉夜哀萬壑松風
殘照裏却飛空翠入船來

犀浦城邊白日昏梁山飛雨急傾盆江頭潮落
如歸客不到天門到海門

過薛城符使君毅齋邀飲境上

使者干旌出水濱雨餘芳艸淨無塵正逢彈鋏
歌魚地賴有班荆置酒人此會十年如夢醒感
君一飯見情真離亭落日愁分袂獨馬蕭蕭西

問津

同龔大司馬觀劇祖觀察署中卽事

清歌細舞畫堂春紅玉闌干翡翠塵獨擁華衾
還不寐可知情盡曲中人

雲母紗窻十二樓當年同醉月華秋渭城人老
陽關遠不信何哉已白頭

當筵按舞曳長裾風動裙開錦不如那識歌殘
金縷暗衆中憔悴是前魚

燈前細語擘霜柑香飯維摩共一龕日射紅窓

金蒜穩曲闌深鎖夜情酣

憲王樂府睡翁詞點板新傳老院師徹夜笙歌
銷絳蠟轉疑身在太平時

泰和縣復晤許明府堯文時攝縣事

忽爾經年別歸與萬里身憐君猶佐郡不自厭
官貧縣古餘青檜江深隱白蘋老懷驚代謝感
逝益傷神

暮春于役淮陰

客裏淮南路征塗久未經岸崩花覆紫煙薄樹

浮青怒馬饑恒立村醪午易醒弄晴黃蝶嫩款
款上沙汀

百戰徐邳地蒼茫萬古情英雄爭逐鹿冠帶幾
尋盟路僻山根靜雲垂麥隴平十年戎馬後父
老厭聞兵

送沈繹堂編修遷大梁道

中土羽殘後若行入大梁龍蛇悲瓠子甲馬散
敖倉積雨連雲白飛星落照黃須知漢武帝不
是薄淮陽

休文多病起詩酒興偏豪短劍悲零落屑霄出
羽毛草荒梁苑沒月白吹臺高獨向葵門去西
風看鼓刀

送周宿來比部出守括蒼

束髮同壇坵棲遲幾歲寒漸看兒女大自覺宦
情闌薄祿仍金馬秋風動鵬冠桐江花月好相
爾釣嚴灘

出守君何憾雙旌向處州地傳甌越秀星度少
微留白水通官舫青山滿郡樓夜涼松露落疑

與上真游

鶴巢新軒落成

水竹依脩檻方潭映碧除
新荷疎受雨密藻暗
窺魚月影通簾細花香入坐
虛亟來情自給奚
必問蘧廬

得信知東籬家兄同茂秦弟北發

鄉心同逝水白日惜韶華
一本離荆樹三年見
落花夢中頻徙倚酒後失咨嗟
南望猶空憶晴
峰送斷霞

懷鄧元昭

匹馬秦州去，關門雪正飛。
十年遲秘省，千里度金微。
隴月淒羌管，洮雲捲毳衣。
把君書失涕，攬轡寸心違。

懷家倩來

午日秦淮棹，傳聞有惠連。
如何風雨夕，又在廣陵天。
白馬濤聲壯，銀鐙翠羽妍。
危波隨處急，珍重五湖船。

百名家詩選

福清魏憲惟度輯選

宣城施閏章愚山江都汪楫舟次

嘉善曹爾堪顧菴崑山龔賢半千叅

陸求可字咸一號密菴山陽人

感遇

天地嬾元化日月無留行悠悠自今古大道攝
群生吾生雜氣質何以保其貞智慧日銷滅抱
樸歸無名高危增恐懼物理惡中盈竊冥任大

運聊用安性情

孔望山

山有仙則名不如傳以聖至人陟崔嵬道與峰
頭競况將望大海心眼恣奇橫想見廣大胸匪
同游涉興我來此山下肅然起深敬

懷雲臺山

昔登海上山絕頂舒長嘯盪胸起洪濤寓目聳
孤嶠支筇尋澗壑崎嶇歷衆妙祇今隔世界無
地展游眺獨坐幽亭裏何以豁懷抱

七夕

日落幕煙起蒼蒼月微白
桐樹散幽陰虫聲出
籬隙清夜何窅然雙星見此夕
殷勤霄漢間別離憶疇昔
只得暫歡娛還共虞間隔
烏鵲皆有情古今知所惜
悵望青天久空園寒露集

夾城泛舟

泛舟過城隅頗有林壑趣
水面清風來簷間白鳥去
曠落無人煙蕭蕭見遠樹
停棹且徘徊寒月光已吐

饑民

念爾饑驅者流離不知數賑濟欲開倉遠近競
來赴鵠面與鳩形嗷嗷俱待哺何人最可憐老
翁並老嫗衰顏兼困憊曳踵似欲仆向人說苦
辛哽咽終難訴舉室盡逃亡兒孫不我顧行將
溝壑填半菽無所措何處有官糧道途總昏瞽
余聞三嘆息掩淚增恐懼大運今如此天心正
憫怒何日轉豐年釋此饑寒慮

水災三載困苦已甚秦陞河堤未築辛亥

春水猶漲民之饑也殆云極矣

皇上心焉念之捐漕米十萬石遣戶部侍郎田

公賑濟

宸衷抒萬惻念茲生民苦氣數有不齊缺陷君
王補三載惟水灾百草皆爛死今春水未消無
地栽禾黍遠近盡啼饑村村火不舉懸磬將如
何伶仃去鄉土流民勿嗟傷朝廷能活汝賑濟
遣親臣恩波及淮浦流離數萬家家沐膏雨
不作鴻雁哀歸來復安堵 聖恩起涸鱗救荒

直邁古白叟與黃童人人祝
聖主全此仁愛
心必能回天怒指日慶豐年
饗殮足四鬴婦子
樂盈寧蜡臘共歌舞

韓信荒城

荒城遺址在烟草塞寒原仍似釣磯冷空餘淮
水奔人隨走狗沒悔憶蒯通言憑弔登壇事鳶
啼聲欲吞

節孝書院

節孝千秋重何須更說書清修存一德積學勵

三餘道藉文章著憂深講習疎伊人不可見懷
古倍歎歎

范張古廟

范張同至性風義類皇初千里衷如見兩年信
豈虛嗟今友誼冷愧不古人如祠廟歸何所徬
徨欲問諸

劉伶仙臺

沉醉忘天地何辭土木形無心任放達有意托
昏冥淮浦風煙潤臺邊霜露零先生終鼾睡萬

古不能醒

鉢池仙境

神仙不可接遺蹟竟蕭條
我念鉢池境曾來王子喬
丹成餘竈冷鳥去憶人遙
笙鶴歸何處徘徊對碧霄

金牛高岡

蒼然平楚外聳峙壓淮疆
戰伐思前代蕭條剩古岡
湖翻千里白雲落半堤黃
惆悵登臨久漁歌出野航

南浦月華

我來南浦上小艇渡微瀾忽見清輝發遙從水面看半輪流不盡千古照常寒俯仰皆空濶吟詩永夜歡

西湖烟艇

微茫沙草際漁艇汎空湖波上雜行止烟中乍有無去帆隨白鳥迴棹拂青菰一望晴川遠朝昏總畫圖

賦得多病故人疎

舊侶吾常念君家誼倍親顧余應意切握手見
情真何竟音書渺悠悠陌路人靜中看物態歎
息度宵晨

世事余多感愴然難具陳干時應有客問疾竟
無人我意終如昨君懷別有因撫膺空悵惆何
日賁雙輪

抱病經旬後咨嗟想舊盟死生應不負疾痛總
關情憶昔君同我肝腸弟與兄漠然今掉臂風
雨冷孤檠

病後心逾苦淒然事滿襟披帷無好伴橫几只
孤琴夢度春山遠影隨寒月深故人終不見起
坐自沉吟

擬古歌

蘇季子舌無比不得指放歸里饑欲死妻孥面
目尚如此

范大夫智傾吳挾彼妹掃姑蘇泛五湖縱有烏
喙焉噬吾

行路難

勸君愛臥遊安安惟斗室滿目盡風波一入誰
能出饑虎食人時威鳳養文日讀易筮天山庶
幾云無失豪放性空存保惜心欲密人情險日
深測之而不一何如閉戶搜奇書何如抱膝理
瑤瑟吁嗟乎世上誰知重書生兀坐乃是全身
術

子夜夏歌

採蓮過橫塘停棹向中央非畏新水深羞見雙
鴛鴦

宮怨

莫開長信門
莫除玉階草
慚愧鏡裏容
日盼羊車老

明河照深巷
相對誇容冶
嗟彼姊妹行
孰是承恩者

吟水仙操

忽悟古人心
不在理鳴琴
此中有真聲
豈曰枯桐音
殘燈續孤寤
浩然生微吟
移情何所見
悠悠秋水深

鄰叟攜酒過余山居

荆扉誰剝喙開戶見尊壘前曾看花過今復聽
鶯來就石坐無序一飲傾千杯山月漸高酒未
已側影依依在溪水

野步

春花處處拂衣香
雛燕隨風出短牆
野草無名千百種
長楊夾路兩三行
橫橋隔水藏深塢
羣鳥衝煙亂夕陽
歸去不須愁寂寞
西家桑落有餘漿

馬西樵畱飲

曲欄花滿綠陰稠有僕應門客自畱來是劉伶
都嗜酒坐非王粲莫登樓高齋新句披雲錦涼
夜深燈照雪毬近目心情多落拓逢君不醉又
焉求

竹窻聽雨與張虞山閭容菴限韻

苔紋滿徑帶煙青疎雨濛濛侵石櫺遊屐未堪
登鶴嶼清齋時自理茶經千甌謀醉杯難罄半
局爭雄劫不停搖曳一林新綠遍松花蕉葉各

泠泠

夜入秦郵湖

中宵理檣赴霜湖人語濤聲忽有無雲練千村
凝積水鴻驚幾渚宿寒蒲官舟乍倚心難穩良
友長依夢不孤星斗剩波光屢合遙遙四際若
幽圖

汎舟

橋橫秋水棹無聲三五同人一汎輕載酒欲尋
修竹地題詩偏愛蓼花名潮游且逐沙鷗去曲

折猶煩老樹迎回首陂塘風色冷孤霞斜抱夕
陽明

西湖翫月

月來我不俗我在月非孤獨借人歸後清光空
照湖

蠶婦 三章章六句

蠶婦攜瓷路遠行遲手進郎食心慮蠶饑匪慮
蠶饑蠶饑亂繭絲

蠶婦攜筐日暮路長目極四際心憂無桑匪憂

無桑蠶田作戰場

蠶婦攜萸歸路躊躇樞機將廢心畏舅姑匪畏舅姑舅姑無冬襦

秋夕別友迴文

罇前別況又生愁怪石浮灘淺水流村樹幾家漁和曲月亭孤夢客驚秋奔南雁冷催楓落度北雲閒篋竹投痕碧一天霜色夜月歸寺遠磬悠悠

雪夜迴文

凝天水瘦荻圍廬古韻摹懷俗盡鋤冰落紙寒
風戰筆案穿窻冷雪埋書層層玉嶺辭殘月碎
碎鳴泉沸靜茶燈剪夜光梅澗白澄清影淡臥
煙虛

過舊縣

昔年孔道設孤城豈爲衝疲復議更憑吊河山
豐鎬意顧瞻墟址黍禾情遙天久斷鳬飛影宿
莽長畱鴻泣聲最是廢興生百感殘碑猶載舊
時名

修光武祠

白水真人春陵中符來赤伏芟羣雄王氣銷沈
久已矣遺像巋然祀故宮陰風夜颭神鬼哭靈
光晝見龍蛇伏一林松檜老參天六月寒濤響
山谷我來一拜神愴然更新穰桷造几筵鮮潔
嘉疏陳歲時從今典祀期千年

踏荒

長吏稱善職首在課春耕如何荒阪上石田紛
縱橫將毋因水旱或亦爲軍兵賦歛旣以多踐

踏復不輕以茲耕作少遂使蔓草生我行荒田
畔招呼集衆氓努力治境塉畢志芟茅荆耒耜
與牛種吾當爲經營庶幾歲有秋平疇禾稻盈
兵過

朔野饒聲動平疇大纛飄塵沙連地起日落風
蕭蕭列校過河曲萬騎指平橋寶刀常在手羽
箭常在腰怒馬齊飛去彎弓試射雕滇南尚背
叛禁旅勞勇驍徼臣治征繕夙夜心勞樵佇看
南服定坐使金甲銷

禱雨

商羊久不舞州民皆苦旱長吏切三農中夜起
長嘆牲璧往告虔夙興以待旦零禱及龍見周
雅賡雲漢自考以數事致魃安能追庶幾微風
動甘澍隨車渙

喜雨

好雨應時至濛濛灑氣涵花翻珠欲落苗潤秀
如含石燕方羣舞微風正自南豐年應有兆喜
色上朝簪

慰驛牛

堵陽介中州行李往來日不休送運軍需與過
使馬之不給繼以牛飾以鞍轡加銜勒日走大
道無終極陷泥蹶塊足力憊望月而喘猶未息
吁嗟爾牛勉爾力爾能任重須報國吾縱脫爾
之羈絡爾欲飛去無羽翼莫嗟崎嶇路逶迤長
吏腰間印綬送往迎來勞更多知爾困苦奈
爾何吁嗟爾牛雖有蹄似蓮花聲如黃鐘徒爲
人役心忡忡恨爾不與甯戚早相逢牛兮牛兮

努力食細草待天下無事偃武修文自放爾於
桃林之道以全爾之壽考

喜虎去境

境內多虎往年晝出食人予到任後人
未有爲其食者不敢謬云渡河實則
未入境也

堵陽亂後少人行不堪猛虎日縱橫田荒賦在
不能耕滇南鬼方未休兵王師絡繹事南征堵
陽極衝疲送迎役繁民困不欲生吁嗟堵陽民

困今已極如何復有猛虎日縱橫咆哮食人如
食牲我方吏茲土聞之爲一驚正欲艸就猛虎
行驅爾族類出荒城爾聞吾至先遠行不敢張
牙瞋目與我爭我聞劉昆在弘農宋均在九江
虎皆辟易其先聲愧我非有二子名虎胡退徙
事遠行

訪隱士不遇

特向深山訪隱淪三年踪跡未沾塵長風送我
千峯頂落日留君一角巾苔洞月明蒼虎夜草

堂雲暖紫芝春
仙人多應朝天去
半嶺惟聞笙鶴音

早朝

帶月趨丹闕
鐘聲尚未殘
仙花迎五輅
御柳拂千官
青瑣和風滿
彤墀香氣繁
盛朝郎署暇
退食足清歡

太廟陪祀

翠華臨翼廟
嘉玉薦明禋
大孝昭休德
羣心致夙寅
治人先格祖
報本在寧神
叨列駿奔後
欣

觀典禮新

天壇陪禋祭

天壇修歲事黍稷薦嘉誠典重千官肅儀殷百
物亨聚神求祖考合饗格幽明欣遇駿奔日微
臣孝敬生

敬獄篇

古人敬岸獄所期在懲誠刑辟以止刑取法雷
雨解伊余忝司憲中心懷耿介早作綜刑書午
夜忘困憊欽恤凜帝言服念守王戒輕重遵周

典明慎占易卦常存得情哀豈效深文快平反
出入間折斷謹片話

九日維陽舟中

孤舟鼓吹散清音此日東籬菊未尋
潦倒已爲邢水夢高歌猶是故鄉心
遙思兄弟開三徑應有烟霞繞一林
我獨溯洄江上去扣舷聊復短長吟

姑蘇舟次

此日他鄉舉客杯扁舟河上自徘徊
雲迴錦樹

青山遠霜老丹楓白鴈來

江雨

西風吹雨大江寒多少奇形供一看雲霧浮沉
谷郡邑魚龍出沒壯波濤冥濛纔覺山川幻混
一那知天地寬獨坐虛舟如太古頻呼濁酒盡
吾歡

過嚴子陵釣臺

幽懷矯矯問空潭把釣終身夢寐甘比以渭濱
殊不一擬之箕穎可成三能輕富貴誠高士寄

傲乾坤是偉男炎漢山河久謝矣何如片石峙

江南

西安抵浦城雜詠

西安城外渡秋風千里寒雲起塞鴻
篙入淺灘撐白石舟隨前浦逐丹楓
淡涵天影千溪濶澄徹波心萬象空
日暮孤舟何處泊江郎山色半籠邊

灘聲日夜盡淙淙小艇還將碧浪衝
兩岸青黃垂橘柚一江紅白老芙蓉
山川到處開生面琴

鶴蕭然想舊蹤清獻芳名千古在蒼涼祠墓白

雲封

西安有趙朴祠墓

連朝風雨滯青湖今日依然風雨俱風亂一村
旅思冷雨侵兩鬢客愁孤山邊泥徑半深淺樹
裏人家若有無爲念僕夫辛苦甚不堪歲暮歷
崎嶇

高峯羅列自嶙峋一日邨堪過嶺頻地鬱崔巍
驚旅夢天開奇勝與詩人松杉皆向烟中老山
水還從雨後新幸有雲霞供嘯傲何辭薄宦走

風塵

山程盤曲走山根穩坐藍輿過幾村難向疎林
窺日月空隨寒雨度朝昏揅天奇峭雙崖立入
地深沉一水奔收貯才人胃次裏羣形盡供墨
痕翻

楓嶺巍峩迥不羣到來閩浙嶺頭分浙西已度
終朝雨閩徼還看日暮雲白石青霞皆秀麗蒼
苔黃葉自紛紛遠鄉我愛風光好況有濤聲十
里聞

蒼茫遠岫雨中看
草木蕭蕭萬嶺寒
怪石支離
村路細小禽飲啄
野田寬雲霞開合成
奇相山
水空明出大觀
海內風光須閱歷
浮生何必故
園安

山行

行行復行行
遠望山頭樹
樹樹纔欲近
人人又望
山去

山濤

高山一夜雨
白水走山腰
湧出聲皆震
奔流氣

更驕怒來還觸石瀉去欲吞橋坐見溪河裏平
添十丈潮

喜晴

連朝苦陰雨今晨喜乍晴寒烟收遠岫爽氣出
孤城鳥逐高雲去人從細路行念茲風日好翻
起故園情

自延平抵水口驛

溪中產石石之數峻嶒欲同天地久亘古常在
溪邊守勇者壯士怯者叟大如熊羆小蝌蚪湍

水逢之怒且吼驚濤飛立立而陸澎湃嚼啖世
罕有榜人戒慎不敢苟奮臂操船自昂首轉目
回天機在手輕舟直向洪波走朝發南平暮水
口客子高歌對星斗臨風長嘯一杯酒

溪石

溪上嶽崎石骨瘦豎者如人橫者獸斧劈奇形
撐宇宙怒立中流披甲冑奮身欲與蛟龍鬪日
月照其前風雨摧其後雷電掣其左波濤撼其
右此石端坐只依舊萬古常同天地壽

灘聲

停船傍野灘灘聲響不止客子不能寐聽之清
兩耳此聲何所終此聲何自始高峯峙其旁怪
石藏其裏灘流日夜奔千古無窮已日月東西
行星漢南止駛天地似轉輪萬化皆如此

舟行

清流百轉復千折小舟蕩漾一溪中山合四圍
疑無路轉到山一線通一線波濤怒不止盪
舟艱澁從茲始浪自洶洶舟自輕破浪還從石

上行行至安瀾濶且清舟人掉臂不肯住遙指
溪上千株樹舟行又向前溪去

東漢

龍圖春陵覩漢官彼蒼何事誕靈桓可憐大祚
行將盡炎火無能炙老瞞

後漢

臣主依然父子親臥龍功業自千春看來啣璧
成都日多却劉禪一箇人

僞周武氏

婦人何事竟當陽游戲神通一狄梁除却六郎
承寵幸感恩猶有駱賓王

讀黃梁夢口占

不但夢是夢醒却亦是夢悟得醒時夢乃不夢
裏夢

豈獨人如夢天地一大夢天地無醒時人將終
古夢

讀陳白沙集

新會從來穎悟人詩文言道喜能真直超造物

牢籠外寄興寒烟水月身

讀曹石倉十二代詩選

石倉東南彥早歲工柔翰二十魁南宮歷官在
閒淡平生寡嗜好惟耽圖史玩丹鉛歷代詩甲
乙何斷斷聚集千載籍紛若牛毛亂去取一以
定道一能相質浩浩古人篇朗朗列星漢天地
大文舒蔚若繁英燦伊余探四始窮年驚浩汗
靜悟選者意焚膏以待旦筆削謹嚴間一詞何
能贊

登鼓山

名山標峙冶城東
崩峯高獨擅雄勢壓羣山
諸嶂小聲移流水湧泉洪
雲飛不斷千層白日
出常瞻一片紅
今日攀躋來絕頂憑虛遙御海
濤風

慧安

輕盈麗質倩粧新
慧性宜人可具陳
玉管早吹調鳳曲
雪意能伴著書人
歌聲花下疎還密
笑語尊前細更真
最是西園明月夜
敲棋學咏度

芳春

駿馬

渥洼名產有誰如
伯樂曾經顧盼餘
金勒乍嘶春日暮
玉關遍踏雪山初
五花爛熳稱龍友
萬里奔馳過雁書
早晚逸才將入貢
房星應副六閑需

聽蛙

閣閣鳴蛙出小池
閒堂鼓吹恰相宜
綠陰青草春殘後
細雨疎蒲水淺時
繁響似嗔喧遠夢
清

音堪聽助詩脾夜深枕畔燈花落月滿虛窗有
所思

聞蛩

淅淅金風葉墜林微蟲此日感秋吟淒清半雜
疎砧冷寂歷還隨遠漏沈咽比寒蟬聲更細形
同促織影難尋助予吟詠深更裏還怪鄉心一
夜侵

鸚鵡

鸚鵡山西鳥閩南性亦宜置茲清署裏何似隴

頭時解識主人意能吟坐客詩江洲春草滿歸
思不堪支

閨情

十月寒花落更香明年春草雨猶長仙郎憶別
題新賦少女含情學晚粧歸燕獨棲紅葉月征
鴻雙渡白門霜音書永斷城南別遼海無由接
鳳凰

訓士

俯仰念今古代謝如轉轂大道藏其中天地資



化育人生有至性胡爲多迷復直賴傳心者凜
凜畏幽獨窮理在一心吐辭傾萬斛講學擅儒
宗鵝湖與白鹿千言不爲繁片語理亦足固緣
領會深亦由討論熟豈徒矜文章石渠竝天祿
爲語後來人學古志須篤性情旣能醇舉止自
能肅太極肯當明西銘義務續沉吟定性書虛
懷襟所蓄孔顏何處尋微言藉感觸獨惜章句
儒沾沾事誦讀學道以爲名依然徇其欲攻治
旣不勤理義如堅木才技固清華神明多局促

悠悠過此生委化甘庸碌何以企先賢
黽勉辭醜毒發憤氣能清猛省神不辱
講習聚友朋嘉修與共揚

大田驛曉行

衝烟行古道羣鷺伴孤征殘月曉猶白
吟蟲秋愈清氣蒸知海日潮起聽江聲
欲向空山裏尋芳擷杜蘅

龍溪道上

參差石路旅行艱漠漠寒沙白幾灣
古樹千重

常護嶺蒼波萬里欲吞山人隨澤畔烟光去鳥
傍巖間竹影還極目郊圻天際遠浮雲何處辨
鄉關

舟中雜咏

連朝春雨暗溪上積苔紋水色高低變山光遠
近分漁樵相作伴猿鳥各爲羣靜對真忘倦聊
堪適所欣

過盡驚濤處波瀾漸覺微鳥來欣共浴雲去愛
孤飛新筍風前折春蔬雨後肥榜人登古岸乘

月析薪歸

十日溪中雨低雲壓帽來風生薜荔冷春晚杜
鵑哀亂篠圍山麓飛花點岸苔更餘聲韻永水
石共喧豗

移棹前溪去蒼茫渡幾灣城中烟火聚郊外采
漁開大邑環流水遠都接亂山仰觀餘曠落雲
際鳥飛還

再宿石牛驛

嵯峨山勢作牛形終日高眠傍驛亭扣角不聞

歌白石回頭恰似望長汀那知關外雲方紫惟
戀村中草尚青今夕停車重同宿新詩吟與牧
童聽

清流道中

日日籃輿驛路行空山到眼盡孤清山頭石繡
千年色山下溪喧萬古聲

羅源曉行

山下遙看海日生幾家烟火出孤城嵐光初起
千巖合松影晨開萬壑清

白鶴嶺

籃輿入深山道路多阻梗嵯峨聳蒼翠陡峙白
鶴嶺黑雲走其腰青天壓其頂寒泉出峽喧老
樹常巖靜天風常肅肅海水常冥冥仰視何寥
曠俯瞰亦孤迥疑從天上來非復在人境

山行

山勢何岩崑險絕稱天作開闢自何年神功恣
斧鑿高者爲蓮花瘦者爲白鶴餘峯不可紀怪
石排鋒鏑浮雲覆我首倏忽在我脚置身天半



歷崎嶇俯仰乾坤真曠落况有長風萬里吹洶湧波濤驕海若

福寧道中

滿目憐凋瘵荒原不忍看炊烟一路少廬舍幾村殘澤畔烽初息居人夢未安蕭蕭風雨後空見海濤寒

哭李制臺

可羨無諸一舊封盡銷刀劍使歸農忽焉騎尾登霄漢自是功名壽景鐘

粵南昔日耀神威安撫猶傳采石磯
韜畧於今留海上頻年不見羽書飛

武庫包羅孰與齊勲名堪媲杜征西
琬戈色暗奇文變龍劍光鎖寶氣低

剛直風猷肅百官能令鷹隼不驚鸞
至今疏草存朝宁霜氣蕭森白日寒

因爲軍書夙夜勞十年報國一征袍
南中亦是甘棠地不川招覓賦楚騷

飛捷頻揚海上舲獻俘經歲未曾停
于今人去

功長在閩部諸山不斷青

衡文忝職在閩南鈴閣陰符許共探知已感深
心獨愴西州道上有羊曇

軍門面列兩山尖射獵營中綠草纖苦憶西園
明月夜論兵諸校坐褰簾